

集部・明別集類

錢臨江先生集

玉華子游藝集

爰山先生遺稿

北京圖書館古籍珍本叢刊

108

書目文獻出版社

ISBN 7-5013-1563-9



9 787501 315635 >

北京圖書館古籍珍本叢刊
集部·明別集類

108

錢臨江先生集

玉華子游藝集

受山先生遺稿

編者 北京圖書館古籍出版編輯組
出版 書目文獻出版社

(北京文津街七號)

印刷 北京大興古籍印刷裝訂廠
定價 叁百壹拾圓

ISBN 7-5013-1563-9/Z · 266

目錄

錢臨江先生集	十四卷附錄一卷	一
五華子游藝集	二十六卷	一四一
受山先生遺稿	三卷	八七七

錢臨江先生集序

當德靖間而海鹽有錢東畬先生者其令盱眙則盱眙之吏民師保父母之嘗練卒繕城以遏強寇齊劉之勁故人魏恭簡公贈之詩期以張睢陽事先生入而郎南比曹屬

人主脩八駿之役偕同舍郎力諍之直聲動天下而先生顧遂巡移病免及其再出而郎南祠部以至北比部所至有聲實而其於臨

錢臨江集

序

王

江守尤著先生之守臨江不為小治辦一切以惠愛行之而事亦舉課最當遷會以不能骫骳事上官移僻得貴之思南遂乞歸歸而臨江之吏民請祠先生先生之歸幾二十年其所為德於鄉者非一以八十餘卒卒而鄉之父老諸博士弟子復請祠先生先生工屬文尤好吟咏其習先生詩若文者見以為才士及誦南曹疏者見以為直臣及臨江盱眙

政者見以為循吏及與稱鄉後進者見以為

善人君子然竟莫能以一端名先生而先生

亦曠然不欲以一端見名蓋去先生之沒二

十年而世貞以參政旬宣其地不唯求先生

之遺跡不可得而所謂賢子若永州守片儀

部郎堂者亦非人間人矣既又十年而先生

之少子諸生蔭率其子鄉進士應晉以其遺

集來請序少間獲一二寓目焉乃作而歎曰

錢臨江集

二前序

二

王

知人誠不易哉夫以德靖間而操觚之士負氣而先格自稱為正宗而諸以藻麗而謀奪之者何限乃先生不求合其藩閫而直舉天則之所自溢為之先生之所師師心耳彼兩家者不得而有也顧其從容舒徐之調不至絀促而柱迫不作窘幅而舛緯其合者出入於少陵左司之間而下亦不流於元白之浮淺乃至它文章之為序記傳說者毋論東西

京要亦廬陵臨川之遺軌哉文中子稱古名
世之人為振奇而惜其思苦而言難至傲冶
誕碎急怨怪怒之譏不一人而足者彼誠有
所不滿也先生其可免已先生之詩余友彭
君輅為評之而其文則薛君應旂為序之即
余序何以加二君即有加而稱為知先生奈
之何竟以一端名先生也

萬曆戊寅夏四月

錢臨江集 六前序

賜進士出身嘉議大夫前都察院右副都御
史兩京大理太僕寺卿吳郡王世貞撰



錢臨江先生集序

余髫髻辭劒負即知海上有東畬錢先
生者則起家開先人也先生以閑學遽
源傳其子永州守芹儀部郎萱暨從子
給事中徽竝輝曄為時聞人而少子蕭
蓀相繼舒翹吐穎載世美而起均所謂
鳳毛也先生以戊辰進士宰盱眙當劇
盜劉七擬驅衆度淮先生畫策効虎寸
後為南曹郎事 武宗上回鑒之疏大
下欽其剴直已而守臨江惠政貽蹟甚
夥民到于今思之夫何以功能召嫉則
思南之 命下而懸車請老矣先生有
意于風騷述作之業在郎署中蔚然著
稱晚而遵晦家園益嚙其蘊於觚槩所
著寢富積以成帙一日蒿手遺草見示
語余曰蕭懼先君子之盛懿湮泯無傳

錢臨江集

六前序

一

子曷爲我序而傳之余自解褐得授永
州且誦法先生之所結撰甚深迺不謝
而引其盲瞶云竊窺先生之文溫潤而
栗栗類韓歐而體莊意讜中苞時用闡
學推政依孝准忠昌黎子所稱藹如者
幾是乎迺其詩春容馴雅句每天成彬
彬乎入唐人閫輿而上窺魏晉之間矣
然文之規裁粲粲披之易曉竝可無眇

錢臨江集

前序

二

論第論其詩詩固虛虛玄玄物也意興
託之乎言而風翩影閃言不能罄又音
殊節異人自爲家項者詩學充衍瀾匝
宇內迭陳鄙社競述唐與六代各耀已
之長而訾其所不學堅白矛盾孰知烏
之雌雄余恐知先生者之希也老子曰
知我希則貴矣先生旣以唐爲歸宿大
較得之少陵彼膚學淺目一淫百廢不

知作者用心自有門連杼軸不涉孟浪
也矧詩之道浩浩淵哉辭之溟渤無窮
羣而飲者纔取其涓勺惡得以同乎已
者爲是而異已者之遽非耶仰而邇之
國風小雅古瑟之音莖露之味漢所遺
也漢樂府饒歌適詞壯節古選不琢而
文顯易而遠晉宋所乏也晉宋之澹洽
齊梁所捐也齊梁之婉逸唐初所亡也

錢臨江集

前序

三

麟德神龍風神之俊天寶大曆易以飛
動而凡開元天寶意象之渾建中元和
移以傾露而弱大曆建中思致之激會
昌咸通更以鍛削而靡大都後之視前
技巧日益前之視後渾沌漸銷壽陵之
步非復邯鄲故跡而醇疵高下諸種亦
各有之登壇之士安所置其間鄙
意則謂詩之原昉於喜之歌哭悲之呻

號怨之愬憤思之寄愴故惟出諸性情而剖滙肝腑使人聞之而風泚融融感動者爲真不爾即橫厲高騁爲唐初爲盛唐爲六朝猶然無益也而況乎其不果肖也先生之詩多繇性情之發志存之而後言言永之而比節其固近真也已夫以性情入景色則景色皆性情以難彩輔氣骨則氣骨皆難彩故脩辭之

錢臨江集

下前

四

矩難朴而易華賤巧而貴拙以愚所矧叅先生當日之指何敢必之懸符要不至爲郢人之譚燕書焉耳
隆慶戊辰孟夏朔同郡彭輅子殷撰



錢臨江先生集序

臨江先生集凡若干卷海鹽錢公公良之所著也公以一盱眙令拒劇寇劉七使不敢渡淮及拜南比部聞武宗且南狩乃抗疏極諫以犯雷霆之威豈不果毅丈夫使人若不

錢臨江集

下前

一

可近者既乎出守臨江則又喚咻保抱能令一郡有去後之思要亦其所養者盛而左右之無不宜耳然臨江往矣不可見矣往後
集中諸作見其為人故余讀其五言詩如夜涼天有雨秋晚樹無花又云一去隔千里百年知幾逢寺深風度磬山靜樹啼鳥皆深遠可喜至七言詩云江北江南數日程蕭蕭落木送秋聲夕陽滿地鳥飛盡人在剡山深處行則又平實而懇到有味矣其言也哉至其爲文忠信激烈如荅魏子才書褒忠祠記及祭淮祭盱眙城隍文可謂矢心天地質諸鬼

神而不欺者也大都一篇一咏皆有深意無
不與古人合作蓋公之存諸中者雍容而舒
泰而出之外者從容而弘遠弘遠則知其氣
昌氣昌則驗其養盛公又不以其所養者盡
用之生平而以遺之後人故若給事中薇永
州守芹儀制郎萱皆能以公之所養建樹當
世以極一時之盛嗚呼盛矣哉公之養也公
卒之十有六年其子永州芹偕弟蓀蓀集

錢臨江集

六前介

二

見示且以序為請也昔皇甫湜序公邑人顧
況而師道胡足以序公但永州與師道同年
進士也故不辭而序次其語

嘉靖乙丑歲秋八月望日禮部儀制司主事
長洲陸師道撰



錢臨江先生集序

今之藝林詞客論文若詩動曰先秦兩
漢其次則魏晉六朝其次則唐而宋以
下弗及也至觀其所為文若詩則率皆
無本之言而模擬綴緝多不關於性情
哉臨江先生錢公舉正德戊辰進士敷
歷中外垂二十年以守己忤俗尋請老
以歸雖其位止于郡守不甚通顯而德
政懋著信義素孚蓋賢大夫也其子芹
萱後先舉進士而萱與余同年以是又
稔知公賢獨其集最晚出而公已壽終
萱亦謝世芹謂余知公率其弟太學生
蓀縣學生蓀同詣余請序余讀公集熟
玩者累月乃作而歎曰此蓋有本之言
也其旨與而衍其義精而存其氣渾而

錢臨江集

六前介

一

序

雄其詞婉而達不假於模擬而體裁中
度無事於綴緝而經緯成章上下古今
并包六合洋洋乎風風乎誠得心應手
而成一家之言也所謂有本者固如是
也可以訓可以風矣豈彼拘方着相者
可與語此哉或謂公詩逼王孟文逼韓
歐此亦似矣以余觀之公蓋直寫胸臆
初亦無心於是也知公之人斯知公之
集矣夫公浙之嘉興海鹽人也嘉之人
文無論往代只今二百年來有貝廷臣
者以清江集行于世有張靖之者以方
洲集行于世非徒以其文也以其人也
矧公之為人既無愧于二公而詩若文
又若有過之者其必為世所傳無疑矣
公名琦字公良東畬其別號也嗣續多
賢繼承炳耀皆公之厚德所鍾也觀斯

錢臨江集

前序

二

三

集者亦當尚論其世云
嘉靖乙丑夏五月既望前浙江提學副
使年家晚生武進薛應旂序



錢臨江集

前序

三

四

錢臨江先生集

品藻

唐汝楫曰先生疏叙諸體根柢昌黎而衍沛于子瞻若河出崑崙始焉演迤而來忽汪洋浩蕩爲天下大觀其詩溫麗冲逸風風乎該覆三唐而生平懷願往往得于言外若郊城之什則又余通門託契可千載質之矣

沈思孝曰余讀高宗伯所錄河北諸寇最爲詳贍當其亂起大淮以北至無堅城惟許忠節公

錢臨江集

品藻

一一

能以樂陵抗賊若霍恩段豸直以身殉上蔡聚強耳比讀錢公良先生集至守淮議及答魏子才書乃知淮南數千里生靈實公良奪之劉邢鉅鏑上者雖幸而不爲上蔡聚強亦不幸而不得如霍段兩人邀歿後聲耳若所謂自憑忠義作長城則其功固不在許忠節守樂陵下也顧伯宗不悉其事遂無公良姓名至若執郡守劉祥勒船渡淮亦錄中所闕則伯宗亦不足深信也然公良守淮可謂能忘身者矣惟忘身故能

忘位斯有巡遊之疏以觸犯 乘輿惟忘位故能忘勢斯試錄有濮園之語以迂張桂觀此則公良乃挺勁節士也奈何元美謂不得以一端名公良也哉

陳與郊曰予始讀臨江先生詩曰此不減王孟已又讀序記諸文以爲卽廬陵臨川未必閔肆若此最後讀諫巡遊疏然後置書而歎歎已復讀不自休方先生上疏時疏者多杖伯氏褻藥走都下密俟之不岌岌乎殆哉遇枉事者不直

錢臨江集

品藻

二

節氣竟用二千石處先生而先生亦恬然以二千石行不有其節氣盛矣因竊恨今之世不復見先生之至德又恨先生不得生今世坐致宰衡使功名流千百載也雖然先生之二千石與致二千石而歸之詩若文觸於物發於性情涵演深穆絕不見毫髮感慨不平之意嗚呼其可以功名窺測先生也邪

姚士粦曰吾鹽詩派自機雲振響華陽嗣音已來凡中斷數百年而得一人爲方洲先生又數

十年而得一人爲東畬先生然方洲以長慶衣鉢業爲此道出世若東畬先生則以蘊蓄沉雄吐見洪暢憑其孤高之韻寄其自然之真王弼州謂其出入少陵左司之間非貌言也第余備檢諸體如樂府五言律之江上曲折楊柳煙雨樓贈蔡明府五言律之孝陵牧牛圖送艾文洪過正陽鎮悼楊太僕自靖祠渡曹娥秋原清風嶺七言律之元夕鴈燈送崔元器王氏別業登東塔寄吳德翼紀夢陳用明郊居五七言絕

錢臨江集

六品藻

三

之送人游滇南別方思道種竹守淮孫太初墓過滁州等作其遺詞赴格穠麗幽峭則又陳正字沈雲卿右丞嘉州之流亞也至于句法雄擅傲人心目則有如空階鶴夢清山深步屐遲笠外滿天雪坐久換鳴禽雨濕鷓鴣語起色白頭人之類可謂五言長城足爲後來作祖其若奏議序記雜文無非以公忠謀國孝義教家而礪世磨鈍傷時嫉俗之心往往而在蓋一染翰間卽有意于激偷風輓頹曜者也讀臨江集者當

自得之

李應徵曰夫詩言志耳志形於詩而性情之端出焉其道與政治通而情有所不得於君父每託詩以見意其以觸物比類飛英採藻無非摭發性靈闡抉神理蓋古者詩生於情而後迺造情以稱詩詩不情而情是有詩而無詩無論取妍大雅卽浸假而語經濟而氣礪理學總屬貌言出之無端有識者均弗取也以余讀錢公良先生詩雄沉蘊藉溢於天倪語多獨創往往情

錢臨江集

六品藻

四

與境會以之羽翼杜陵堂奧左司鼓吹風雅真無媿色及觀其守淮議則營平金城之亞也造士議則文翁講堂之遺也諫止巡遊疏則又朱游折檻之倫也他所著述津津大都名理卽當世昂睂緩步矢口而譚鵝湖考亭之學者且遜實焉余聞先生恂恂長者葆醇含樸故能緣感以生情緣情以寄詠而舉宇內所稱奇猷峻節經世析理之譚先生若掩而有之一真無復更厲情之所生餘皆是物也然則元美謂先生不

以一端名者其猶未得先生端之所托而尚以其緒求先生也與

屠隆曰讀臨江先生集卽無論其大篇譙議雄雋排蕩往往前無古人至于曲房小院砌草硝蟲之纖細穠柔莫不恣筆摹畫有晚近以叫喝粗豪氣籠一世者所却步也雖使公家仲文更起猶當與之先後比肩况鉅釘于句字之間者乎把玩迴環正如踐瓊田入雲房采玉芝爲之冷然蕭爽

錢臨江集

品藻

五

錢臨江先生集目錄

卷之一

樂府

長劍行

結客少年場

苦寒行

從軍行

猛虎行

遠游篇

錢臨江集 目錄

江上曲

折楊柳

四時子夜歌 四首

採蓮曲

團扇曲

烏夜啼

五言古詩

登太白樓

秋日喜姜明府見過

煙雨樓

寄沈抑之

范希清見過

夢聚上人

過吳維新湖上別業

哭女

荒歲歌

送萱兒謫赴德慶

舟中閑述

錢臨江集 目錄

慈烏篇

張子紹自嶺南送萱兒樞歸賦謝

送魏明府赴河間別駕

示從孫曜

過張廷冕

贈都下主人

鋤竹

青谿霜月爲司馬郡侯母壽

姑婦雙貞

酬馮山人見寄

七言古詩

西村老人歌

芝田驛遇雨

歸來吟

卜居爲友人作

示璋弟

天台山逢吳居士

俞隱峰道士見過

錢臨江集

目錄

三一

江南行

送張廷美司教嶺南

舟過沈大賓園林不得登覽

澄江歌

送異人趙道源

有序

贈蔡明府

送唐立夫

送僧歸曹谿

題茶谷開士曲水堂

賦得江路梅花送董明府入覲

送林郡丞擢南度支員外

送黃博士歸閩

節婦行

有序

卷之二

五言律詩

送章以道之梧州

省中對月

歌風臺

錢臨江集

目錄

四一

孝陵

題牧牛圖

入覲

宿新中驛

昌平對月

祀淮瀆神

秋風

抵瓜州

凭闌

陪劉滁洲遊龍泉寺

除夕

郊祀逢雪

夕次北固

渡揚子江

過中都有感

穀亭阻雪

宿銅城驛

白河道中

錢臨江集 八目錄

五

送艾文洪

送馮行甫守岳州 二首

鳳陽道中 二首

任城遇雪有懷都下諸君子

題署中畫菜

自房村抵王仲集遇雪

徐州遇何獻卿員外盛原之太僕

阻風宿王大史宅

道中有懷子姪

寄同年王侍御夢弼

淮上見新月

壽錢汝載侍御等人

出都城

南旺早發

往潁川經臨淮

過壽州

過滁

憶公瑞弟病

錢臨江集 八目錄

六

西苑芙蓉

入覲宿恩縣

春日送周天成

過宿州卽事

至良鄉望京邑作

次穀亭有感

過濟上值風沙白晝如夜

赴都梁阻舟

送鄭信之守鄖陽

遊瑯琊山逢劉子正

野宿有感

過正陽鎮

寄張天瑞

送方時舉考績

送莊希曾歸省

送簡一川考績便道省覲

送莫文美太學

送陸元望叅湖藩兼得覲母

錢臨江集

目錄

七

爲客

過高唐訪蔣員外不值

過河間與馬君卿鄰宿不面賦此

宿景州大霧三日不解

與毛貞夫侍御夜出河西務

宿南鎮店

驅車

陸母七十

贈孫廣文

卷之三

五言律詩

同省中諸公遊靈谷寺

獻花巖

策騎

送錢文中

京邸移居

送甘欽承守惠州

二首

楊太僕殿之諫斥方士詔獄爰作此悼

錢臨江集

目錄

八

之

送姜子登還蜀省覲

移病

送同年胡汝登守寧國

二首

客館

宿大市集遇呂仲木太史

送吳憲使之滇

遊閤皂山

過河間陸良才太守衙齋